

師竹齋集

師竹齋集卷十二

蜀綿李鼎元墨莊氏撰

庚申

古今體詩七十九首

謁天后宮

祠是將軍建神爲百谷尊風雷棲棟宇呼吸轉乾坤使
節天威壯球陽地氣溫平生聞孝女今許拜宮門

次韻答張玉溪孝廉

懷淮

蛟島陪臣歲入庭重洋幾度客曾經人心平後無滄海
月魄圓時少衆星萬里關山雙鬢白一帆風浪半天青
書來莫漫誇忠信自有丹書壓百靈

辛年策許獻金門定卜登瀛沐聖恩此日歸舟吾欲
老當場選佛孰稱尊擬鞭驥子追龍虎尙恨轅駒跼孟
崙謂墟坊二姓親串無多佳子弟飛黃同願集丹闈

送周少司農

與岱

奉命祭告岳瀆至蜀

題橋今又見高車恩命先容掃墓廬父老舊傳司馬

檄江山新沐

紫泥書公須防卻

李郃

精星術我正爲蠶

測尾閭分手東西頻隔歲燕臺春柳意何如

上辛重飲仁趾僧舍用朱東池孝廉

倅

除夕韻

似尋弩影釋杯蛇先戒盤飧儉莫奢我輩只宜文字飲
廬全空費武陵茶壁間除夕詩猶在戶外唐花市太譁

酸氣逼人君勿笑鴟夷腹裏過生涯

一春爲酒典春衣腹似河魚臧幾圍老境漸能忘世態
詩情端合叩僧扉人依北闕貪良友草近西山沐早
暉屈指陽關添柳色塵心先逐馬蹄飛

問誰窺透管中天醉裏乾坤竊自憐曲遇周郎知有誤
琴歸徵士可無絃多君氣味醇於酒下筆文言湧似泉
却笑劉琨空起舞幾曾先著祖生鞭

送尤二娛明府

維熊

之官雲南

尤侯負逸才作吏亦多事滇南山水天下奇特要奇人
爾姓字區區墨綬何重輕問君何以濟蒼生讀萬卷書

師竹齋集

卷十二

二

行萬里男兒墮地志如此書制軍

麟

初中丞

彭齡

政聲心

迹號雙清好去割雞聊小試定當詩人不當吏他年際

會聽之天此日功名肯擇地東海回頭盼夕陽想君橫

馬立嵩盟各把新詩和淚讀暗恨長空白日速若逢未

谷

桂馥

問行藏爲言鬚髮尚蒼蒼

二月二十有四日敬請

聖訓恭紀

聖主勤民燭下情廣思集益到書生欲除邊患須良將

要感靈妃秉至誠敢道誦詩能作使過蒙上清問許談

兵御溝楊柳初含綠二月春風出

帝城

母訓

肩輿將出門含淚辭老母依依萬里情
示忍出諸口母

曰兒無然 王事有奔走弧矢挂門日
黑虎夢非偶

余生

時母夢黑虎入室 謂兒及壯盛金印定懸肘
蹉跎五十春盤錯

見汝守人生不爲相爲使已不朽身承
天子威名敵

藩王右時清海不波心爭神必牖虔恭
頌 聖訓齋沐

祀 天后保汝布帆穩莫作兒態醜未
寒先著衣將事

須慎酒奴僕亦人子待之務寬厚是皆
汝能爲謙卦最

无咎跪聆慈訓終臨去屢回首 王命
有程期歸問金

臺柳

二月二十有八日偕正使趙介山修撰
文楷 奉

冊出都輿中作

敬擎 封冊出 王畿綵仗龍旗映日輝 裘馬珠冠看

有耀 葭蒹玉樹愧相依 衆憐使者無金印

前使汪楫請給關防格於

部我笑從人少布衣

從人例有頂帶者

萬里征車初發 軼燕臺

記取柳芳菲

同人祖帳普濟堂口占

肩輿八座出都門 觀者如雲羨使臣 豈有經綸酬聖
代 漫勞車馬出城闌 心懸愛日天能鑒 面受和風柳亦
親 多謝知交臨別贈 此行端不負吾真

晚至良鄉縣

縣繁稱第一車馬往來爛室小能容滕城高不礙山初
嘗乘傳味難識宰官顏食罷塵沙飯村東線月彎

雄縣早發

三面河圍郭鴉聲送客飛雲輕添旭采樹老助風威線
路盤蛇出重關戰馬稀我懷承矩畧心事已多違

大雪阜城道中

樹介失青袍奔雲帶海遙天低知日遠河近識風驕野
雀棲無地飛鴻唳隔霄最憐塵不起穩步送征輶

平原弔顏魯公用宋文丞相

天祥韻

腐儒不可作公卿顏氏兄弟留盛名平原以北皆失守

獨仗孤郡爲長城堅以衆志懷以恩民衛父母肯寒盟
郡縣當年盡爾爾祿山焉敢窺神京如公天子猶不識
安識郭李能用兵天助大唐賴有此終然克復資聲靈
楊家姊妹饒長舌厲階枉送金鉏折倘移好色心好賢
天寶定能持說節男兒通經須致用丈夫作事非徒烈
但期赤手挽山河何必高名光日月君不見魯公老去
無死處未葬唐家乾淨土又不見文山辛苦二十年宋
運已去難回天

山行

冊使有舊章引興例雙鞭顧瞻周道平此輩宜可省行

行過潘村山勢撲人頂頑石滑轉九危磴橫咽鯁直上
疑登天陡落訝墮井與夫喘折腰使者嚇縮頸若無緯
助力敢望步能騁帆挂羊角車纜繫鵠首艇水陸理易
通艱難心初靜卷帷望泰岱浮雲匿光景了了悟前歷
得得造幽境心秉一寸香敬向元君請老母尚倚廬平
安敢徵幸

風雨不果登岱遂遊岳廟有懷郡守松雲前輩

棟

平生兩登岱七十二峯熟此行秉心香先期謹齋沐
靈不我諒意恐再三瀆驟雨斷行人狂風拔大木平地

立脚難乘雲將誰屬廢然迴客駕羣焉步山麓岱廟何
巍巍漢柏猶卓卓入門列肆陳遶殿篆烟馥鐵桶大如
池石筍高似嶽誦詩環詠亭參禪空槐腹碑有唐宋餘
地閱古今速雖未陟其巔得此良亦足緬懷賢太守登
音盼空谷居岱不成仙白鶴笑人俗

岱廟唐槐歌

古槐一本高叅雲百圍腰腹何輪囷枝榦橫披蔭半畝
風霜飽歷經千春怪彼心空足容物羨他皮厚能榮身
屹屹石碣標大字目曰唐槐良有因獨憐明季肆流賊
高山松柏摧爲薪泰頂金殿尚銷毀此樹那能逃斧斤

毋乃祖龍令鬼守不然蒼帝驅兵巡天既愛民或愛樹
賊不畏人猶畏神恍然夢入槐安國一枕清涼無點塵
起視岱宗雲正白飛雨直過汶河濱狂飈吹槐槐欲倒
敢以私願廻天嗔吁嗟乎不才之木壽如此人若不才
定不死

岱廟漢柏歌

時向西一株
心焦而枯

五大夫松恥秦封夜半徙入岱廟東松耶柏耶何足較
五株離立排蒼龍榦拂烟雲建纛大氣充皮骨垂癭豐
炳靈殿前晝暝晦白日不照青陽宮欲窮年代事茫昧
秦皇漢武將無同也知才大難爲用未肯顏枯求衆容

何來野火妒神物恐是祖龍驅祝融皮脫心焦不敢惜
幸辭翦伐徼天功昨宵泰山落驟雨吼聲暗與黃河通
便恐化龍去滄海要留此木撐虛空吁嗟乎樹老已無
棟梁望臨風獨立轉惆悵

清明羊流店用北平何琴立壁間韻

汶河委婉逐山斜楊柳依依客憶家幾樹白雲留晚照
隔離紅杏落殘花清明久已拋墳墓遠役從今感歲華
地底羊公呼不起無端愁思又頻加

宿遷道中

江南三月足黃花立馬平岡四望賒湖水雲連高堰濶

糧艘帆挂夕陽斜團團荒草多孤塚歷歷垂楊隔數家
回首馬陵初別我便愁東海浩無涯

傳舍

使者有程期傳舍供食宿東道多茅廬北轅半破屋容
膝本易安棲神藉養福礮聲戒行止車輪監顛覆暮鴉
作箴規晨雞當龜卜興隸伺舉動官骸受羈束念我少
壯遊蹇驢風塵逐峨眉觀佛光蓬萊視汨洛水極江河
流山窮東南嶽眠食恃孤身行李仗一僕茲役差惜費
自笑難免俗有如初嫁女新裝耀人目又似託鉢僧空
腹待厨粟苦節守孀閨完名保主檣不圖到清河有館

自今秀集 卷之二十一
類新築蕭寺讓其幽官署無此肅可憐只一宵買山錢
未蓄去之如始至斯言早三復

次鐵冶亭漕督

保見寄二首

信是文章助有神新詩難得百忙身開殘芍藥知將夏
吟到櫻桃欲送春策蹇那能追逸足釣鰲或許借長緡
羨公官職聲名好肯減私錢澤路人

漫道君恩欲報難英雄自古出寒酸不忘筆墨真名
士能飽軍民是此官已見河干消百弊儘容世態變千
端淮安尚隔程三十一夜詩筒兩度看

寶應舟中

青天低兩岸綠樹望中徧風猛如留客江清不礙舟
聲排鴈陣雲氣接邗溝誰道波濤險人方狎海鷗

平山堂

十年重覓舊題名步步如經夢裏行花欲殘時千樹出
水將盡處一山橫惜春只有階前葯愛客無如竹外鶯
謁罷三賢茶細品源泉百尺到今清

瓜步夜泊

夜半泊瓜洲銅鉦起白鷗月光穿牖直人語隔沙柔鐘
磬江心遞鯨鯢海面浮未明先喚僕試聽有風不與強

江口早渡

京口記曾經七度這回真箇靖風波山浮鏡面日初上
櫓剪波心雲乍過坐嘆六朝空割據最憐五馬半蹉跎
由來天險難憑藉擊楫中流一放歌

胥門阻雨有感

胥門閤氣靜蕭索如山陬人情淡甚水月光冷於秋天
意知客憤夜雨來相留強留亦何爲枹聲聒耳愁民心
本驩虞政體須寬柔江海貴藏垢至清魚不游隻手作
砥柱安能障中流水激可至山茲理宜反求正如三春
雨多亦害良疇不見失業人飢餓還狗偷

題周三明府

宗泰

花溪飲馬圖

循吏牧民如牧馬飲之食之鞭莫下去其害者撫其良
麾之不去來身傍呼羣渴飲溪頭水吏少錢投民益喜
桃花作浪襯衣毛柳絮隨風入錦袍此時人馬兩相習
奴隸拋韁依樹立主人默坐笑垂頭游魚自躍雲自流
與物無猜機趣活入羣不亂心神幽勸君羈勒且休操
馬能適性不爲盜

阮芸臺中丞

元

邀遊西湖同介山作

西湖無限景鴻爪往來熟怪同理舊書不厭百回讀此
行作王人張蓋毋乃俗賢哉阮中丞買舟伺城麓葛嶺
當面迎招我雲間宿舍之竟不顧仙緣非無福爲謁聖

因寺隔夜已齋沐禮罷沿湖行雙眸不暇屬四山留春
陰萬柳垂青目一一如故人久別爭修睦莫嫌花事謝
紅葯尙初馥莫嘆林亭荒漪園類新築舊雨有小顛候
我南屏腹大笑陟山巔俯視湖心縮水面霞光來歸路
夕陽速臨去猶依依鐘聲出空谷

蘇嶺和慶晴村將軍壁間韻

孤剎占山頭盤空竹石幽無風能却夏不雨已成秋樹
有將軍號僧真隱者流鴻泥多爪跡面壁小勾留

仙霞嶺三首

余生好遊歷窮山陬每濱轍跡所未到惟黔滇粵閩竊

聞仙霞嶺高不讓峨岷崔巍劍閣外別有此關真竭來
陟其巔風雷來心神盤磴千百級木末遞行人層厓斷
馬跡重陰閉羲輪泉滋石骨雨雲鎖山門春下視萬壑
低纔知身出塵憶昔耿藩亂目已無隘津重臣得之芳
一旅歷其昏至今人尸祝豈惟甌越民乃知天險地所
守宜用親東望極東海西望極西秦俯仰緬前哲涕下
霑衣巾

一邇與雲盤如經蜀道難千厓藏日黑萬木入谿寒談
笑塵間越飛騰仗羽翰別開天險地莫作劍門觀

合沓千峰曲澗知盤空萬級上天遲只緣見慣連雲棧

怕與人間說險夷

仙霞嶺和周櫟園先輩四首

白雲終古占奇峰
秀出青天剪玉蓉
綠蘂無心承客蓋
清泉有力代人春
霧迷樵徑聞禽語
月暗僧房見虎蹤
世路險夷何必問
馬遲意懶似春慵

莫信人間有坦途
懸厓慎步少人扶
前臨東斗低閩海
廻望西江小越吳
仙子丹成爐竈在
逆藩氣沮羽書無
謂耿精忠韓山片石堪千古
唱入青雲調已孤

笑余在世百無長
筆墨生涯自主張
詩社有靈追白傅
神童早譽竊黃香
年來任性耽幽境
老去承恩入異

方海岳遊人今不愧

余自號海岳遊人

未須重問小滄浪

陡上關門一線通山光掩映畫蔥朧子規啼斷叢篁裏
倦鳥歸飛夕照中得得馬蹄盤石巧飄飄嵐氣補林工
昔人勝蹟今人賞同是天涯踏雪鴻

西陽嶺

嶺北竹萬竿嶺南松千挺衆峰莽回互四月詫秋冷怪
禽啼幽谷猛獸避陽影滑石襯松毛健步不遑騁老僧
癡且孽終年卧山頂興夫渴欲死一茶已再請諸佛尙
塵埋爾曹亦何幸回望過來山羨煞仙霞嶺

五顯嶺

嶺亘樹稠疊白日氣陰晦登頓入箐林馬滑常倒退盤
石無階梯迴峰自向背天然谿谷幽地擅風雲態此間
境必奇未到心已愛頗怪山僧俗局戶積其穢索鑰強
啟之曲逕破茫昧果得小天池一俯萬山廢劇憐水懦
弱徒供洗山菜有似賢達人埋沒濁泥內嘆息復嘆息
山靈亦憤憤

山行絕句

澗水流澌澌秧田青濯濯山中有坦途山外人不覺

馬嵐卽目

樓對一峰高開窓俯碧濤竹鷄驚客竄松鼠抱枝逃禾

畝層梯密蜂房習樹牢濠梁真可樂隨意酌村醪

自延平放舟至水口

槎客欲浮海目已無江河顧茲建溪水偃仄寧容波土
人爲余言下流灘險多雪浪激雷電腥氣盤鼉鼉且復
試新險放舟如投梭也覺山崢嶸微辨石么麼非敢狎
而玩三峽曾屢過况逢孟夏日好雨時滂沱恃此新漲
平擊楫須高歌豈惟寬驛錢兼足適躑躅中渡重險
憂懼爲之和醒來聞市喧黃帽舟前羅未能通語言但
見兩手搓不忍遽麾之累我冠長裘靜復歸有動萬緣

一南柯

恩賜右旋白騾雲錦爲囊金匱爲室養以八寶藏
之十閭前夢雲養淡螺深之句得此奇驗因卽
用爲起句恭紀二首

雲養淡螺深居然夢可尋
軒旋依日月靈異測陽陰
定海風癡避降龍佛法欽
波濤知不起止水是臣心

雲養淡螺深光涵八寶沈
貯霞囊是錦捧日匱爲金
已

佐將軍績

相臣福康安勦臺匪林爽文初

賜此螺重煩聖主心不才叨

異數何以靖微忱

和慶晴村將軍

霖

見贈四首

小住蓬萊館南風海上來
天書前月下地角片帆開

報國無長策承 恩愧小才中山停船處東望亦遐哉
折腰無靖節強項有周宣自信難成佛人誇是散仙長
風天外吹白日海中懸未覺莊生夢飄飄蝶正翩
幸揖將軍座將無長孺同吟詩徵武庫緩帶見儒風酒
量因人敵松姿據馬雄難逢偏易別惆悵百川東
普覆知天大朝宗識海尊此行憑玉節到處沐 皇恩
幸奉神螺往還期碩果存 時從撫軍覓得荔枝二
本將往植琉球使館 忘憂
無別事兼樹北堂萱

和汪稼門中丞

志伊 見贈二首

臣勞非獨敢云賢翻愧羣謀集事前
窪嶺怕聞子規鳥

鑑池應放午時蓮

中山鑑池
多午時蓮

封舟東去祈三日海客西

來近一年多謝中丞臨別贈李膺原不是神仙

遊子行看出海湄情懸兩地爲家慈惱人意緒惟黃口
亂我心思是白眉枵腹一生工貯酒空囊此去但藏詩
家書封就憑公寄好慰高堂淚眼時

烏石山爲寄塵上人作

亂山圍郭水圍濠烏石峻嶒出九臯今日訪師初放眼
前人細字摠如毛可臨萬戶何妨峻不附羣峯始覺高
暫借上人千里鏡好從千里辨秋豪

和寄塵上人見贈四首卽邀之渡海

半肩行李一囊書兩膝隨身百不儲能屈將軍爲揖客
肯卑詩格讓唐初學竄字得王家法挂錫人誇隱者居
烏石山頭纔小住陳平門外已多車

怪他腹笥等書厨偷得如來掌上珠愛客幾時拋酒具
看雲終日對城隅掃除俗逕心無碍踏遍名山佛有徒
如此高情如此學遨遊真不愧江湖

一髮中山鐵板沙舜天開國是非耶百年文教敷瀛海
五渡封舟記客槎自古事君惟所使人生何處不爲
家師今業已遊方外須信無涯是有涯

水擊三千愧大鵬長風敢謂力能乘中山舊俗尊從客

薄海新聞屬異僧但使詩名流絕島何須佛國覓傳燈

預愁法服球陽詫錯認維摩作道陵

上人戴笠球人以爲道上

五月朔日夏至奉 冊登舟

風信連朝問若何樓船旗角向東多出城已覺心如水

論道誰憐口似河鄖近端陽剛解纜月臨冬至好歸螺

謂白螺也衆人莫怨封舟小中有天書壓海波

航海詞二十首

中倉左右分麻力

倉中左右臥處曰麻力

御冊東西坐使臣五

月水雲蒸大釜立雖無地那容身

海船淡水貴於漿四井深深百斛量行到太平須買水

海船於太平港取水先
投銀錠水中曰買水 龍潭清處泛銀光

一桶纔傾一桶來輪班往復自相催水籤報道前艖滿
鐵鎖飛符驗鑰回

怡山院裏再焚香祭海仍尊百谷王禮罷龍旗東北指
午潮聲上理帆檣

海賊傳聞踞虎門無能兵將逗前村小施智畧排軍出
艇匪潛蹤莫妄論

進士門邊石骨高柁身量水辨分毫縱然小觸都無恐

番木新教鑄鐵牢

番木卽鐵力木
所謂鹽柁也

西南風利護舟還一出官塘便少山驚浪打篷棲不定

桅梢盡處有鴉班

舟人時緣一繩以上桅疾如飛故名曰鴉班

挂起頭巾挂捕花

蓬頭布帆曰頭巾頂蓬側布帆曰捕花蓬

輓轡聲急布帆

斜帆皆以輓

如如山雪浪全遮却卵色天光接水涯

不信重洋有米糠今來目擊怪非常問誰篩得勻如許

細雨霏霏落鑑塘

嵐光貼水似飛鴉報道山來信否耶偷渡雞籠渾不覺

舟人指點是彭家

山名

東沙到此盡辰針單乙從今可細斟百六十年無海禁

一回推測一回深

魚換鰲行雀遶桅百靈都爲護舟來任公一去無消息

海上何人理釣臺

山名

雷火何年燒赤尾

山名

斷霞千古映波紅不知黃尾山何

處海燕羣飛落照中

球人罔識黑溝名祭海惟看赤尾橫我有羶羊無死處

便令投入不須兵

球人不知黑溝但見赤尾嶼卽投猶羊以祭此行實不見溝因卽令投祭

汪舟次雜錄所謂戚之以兵者復無所用

忽聞蓬角一聲雷雨挾東風鬼嘯哀夥長篙工齊失色

倉皇便欲放舟回

反風無術仗靈妃沐浴從新著賜衣一寸心香神鑒否

孝思我亦有慈幃

自竹坡集 卷一 二
果然仁愛似慈親頃刻旗鎗轉向辰二百餘人同額手
始知忠信可通神

雨收風轉船尤疾姑米山連馬齒長黑夜可防礁暗觸
先將號火報球陽

水緯雙排獨木船法司王舅紫巾偏一針到此纔交卯
早有王孫餽酒筵

五日中山到未遲三舟齊集更稱奇斷虹消盡風癡避
穩渡重洋海不知

望姑米山

淩波微步似仙鬟水折雲迴故故彎莫怪舟人頻指點

海中難得是青山

師竹齋集卷十三

蜀綿李鼎元墨莊氏撰

庚申 古今體詩八十一首

五月十有二日由霸港奉 冊入天使館

萬人爭看使星來一朶黃雲抱日開
山到流虬平似岸水歸霸港小於杯
王孫守禮衣冠古草木承恩雨露催
賓至如歸今始信果然聲教震無雷

示琉球各官

使者銜命來陛辭請 聖訓念汝國窮僻事事費存問
第一愁貨多貨多價難論其次慮兵驕兵驕理難順飲

食日用微知非汝所吝千萬始於一尋常積自寸淺言
期易明俗語究宜擯此行貨不多較前得餘聞於役挑
馴良於兵擇謹慎豈惟擇謹慎軍令懸白刃汝賈須持
平汝交務守信米鹽但日給酒漿亦時潤山珍與海錯
麾去不勞進崇儉 天子心柔遠王人分况際邊密時
晏樂誰敢近汝從惟汝憐汝違惟汝恨歸告王世孫有
條幸無紊

停雲樓卽目四首疊前韻

異地如經讀異書十洲圖記喜新儲腥風吹水立天外
驟雨移山橫檻初除却家賓稀鳥跡爲防海颶盡蝸居

有舟有馬仍安步小飾肩輿不近車

入門先得飽行厨香稻曾聞貴似珠蝸虎避人鳴室隙

蝸虎鳴聲如雀

海蛇盤索挂庭隅

球俗以海蛇入饌

樓含水氣知潮信

戶雜歌聲識酒徒圓鑑池蓮開也未不堪回首憶西湖

地無沃壤半流沙滿屋蓊茸長昔耶栽到荔支真碩果

燒殘柴木是枯槎

柴木只堪供爨故名

市惟集女少奇貨人慣浮

航輕棄家玩海直同一杯水烟蓑釣艇過生涯

鴈飛不到更無鵬只有封舟許共乘世鑑原堪供史筆

禪林時復見詩僧人家多用螺爲器夜飲惟憑月作燈

遠客初來都未慣獨憐山色似巴陵

使院種荔支詩 并序

荔支產不一方閩產尤勝於蜀粵歲充方物入貢猶尉佗故事顧三方之產率皆宜東南不宜西北豈真地氣有寒燠遷地弗能爲良耶夫橘踰淮而爲枳桂入燕而不榮穀之所宜古人詳言之則土亦固有不宜者况琉球去中國萬里間以重洋必謂土宜與閩無異誰其信之則余之栽荔支於使院也母亦矯物之性與雖然海棠植於江城亦媚幽獨石榴移入中夏不變根株未嘗試之而遽謂其不宜猶未嘗用人而皆

謂其不才也不亦誣乎抑又聞之東方物之所
生琉球東國也嘉木異卉桐生茂豫果之屬少
者無好事者攜之渡海耳余敢謂他日結實必
無異於閩哉然而其生可必也其實可必也球
之人其亦有季氏封植之意乎是余之厚望也
樹栽於嘉慶五年五月戊戌兩株四榦高二尺
以來種曰陳家紫移自牧荔園贈樹者中丞汪
稼門種樹者西蜀李墨莊記以詩者修撰趙介
山上人寄塵及余也

生年五十餘足迹半天下山海多珍羞遍嘗失亦寡果

自
卷一
三
中有荔支蔡譜詳其辭無緣得飽啗寤寐時思之前年
走嘉州曾爲口腹謀到遲樹已空惆悵清江頭雨村使
嶺南雞肋偏自貪科名何重輕遺恨殊不堪今春承使
命食指動無定五月出閩疆味酸齒牙病徘徊牧荔園
相對饒流涎憤然攜兩株逼迫登樓船陽海東角生
氣蕃果木無人攜種來焉知性不熟使館幸軒敞後庭
平如掌徐公手植榕堂前已十丈雨過暗偷移栽荔荔
不知土故築仍密郭駝爲我師祝爾榮且實母爲化枳
橘天涯作客人根蒂正難必寄語中山王封殖幸勿忘
來夏如結子知公最先嘗

波上和海山先生韻

高臺五月爽於秋坐爲薰風半日留山水多情隨地好
乾坤浩氣與人浮厓懸石筍蹲如虎艇蕩蘭橈泛似鷗
烟火萬家安作息葛天淳俗在荒陬

首里向公子

循師世德

過訪

高閣窻開四面風有人問字訪揚雄未嫌欵洽方言異
猶幸文書海國同樹到日中無側影竹於世外見虛裊
漫言使者能敷教正恐空樽笑孔融

與山

與山山對出鶴蓋盤虬松四面納潮汐中有蛇似龍心

自不刊集 卷之三
海僧何來闢地營梵宮甘露充佛果扶桑當香供寺前
有方池潑刺雙鯉紅可憐水易渴倔强泥沙中鐵樹生
石膚孤立如梧桐託根定何所亂葉飛蜈蚣散步遶山
麓鳩鷺起蒿蓬茲邦少見鳥始信聞無鴻維時午潮退
襟袖來薰風回首語介山歸路須從容

六月八日 諭祭琉球故國王尙穆禮成恭紀

祭典遙頒耀海疆卜年四十筭靈長祖孫似續廻

天眷旌旄飛揚近日光入廟威儀徵志畧傾城士女葵

心香禮成瑞應尤堪紀焚帛烟中寶氣黃

是日焚黃烟中有黃氣結

爲璵
絡

再遊奧山月夜泛舟由南麓越重島渡里村歸自

却金亭

奧山不重遊恐被山靈笑策步上峰頂遂得極高妙東
窺首里城辨嶽出雲嶠西望姑米洋海氣鑿泉竅南北
昨所歷形勢攬其要萬松回日光衆籟激風調激流狎
郭舟踞石垂任釣晚汐不我欺明月早相照白魚射波
飛紫燕掠船抖木石陰森沉星斗光震掉此間無酒肴
何以助吟嘯一杯酌海若遺跡枉憑弔人家露燈火亭
際集庭燎莫漫醉言歸來日事難料

懷慶晴村將軍疊前韻和寄塵上人

球陽無鴈可傳書那用懷人句早儲只爲情能牽夢久
不如心未識公初南天海色迷針路北極星光仰

帝居聞道中秋將入覲受恩深處漫懸車

記取衙齋醉酒厨新詩迸落滿盤珠別來一月如春夢
招得三山入座隅供饌魚蝦多怪狀忘機鷄犬盡仙徒
就中樂事惟遊覽門外扁舟勝五湖

輿山山麓水明沙邱壑依稀似若耶古寺降龍僧是佛

山多蛇僧心海驪
之建寺曰龍渡

小橋度馬石如槎漁舟遠近鯨人室

茅屋參差玉女家此處無公同嘯咏那堪獨樂滯天涯
暫息真成六月鵬風迴東北幾時乘天高日遠無家客

雨暗雲陰古廟僧獨對
荔支傾濁酒全憑書史送殘燈

拾遺

陳子昂

已死青蓮老枉用詩篇傲杜陵

雨中首里四公子過訪席上口占

獨坐高樓懶不支
客來何以慰相思
有詩自帶東洋氣
好雨纔過北牖時
節近新秋入乍爽
風驅殘暑酒初宜
便煩寄語楊文鳳
乘興還拌醉一卮

立秋日重島觀漁

雨氣釀新秋
潮聲撼地流
衆魚方拜水
密網已排舟
樂意誰能料
危機實自投
縱飛仍少翼
空羨白沙鷗

漏網誰追得
恢恢汝自知
遙憐依藻日
應恨出淵時
潑

刺紅鱗碎迴翔白鷺癡見生難忍死霜刃漫相欺

重島題石

孤石疊成山山根護短垣藤蘿陰地濕花木入秋繁高
挂青雲動低涵白浪翻中流難砥柱靈竅蹙波痕

東禪寺題贈珪岩上人

小阜彎環折澗深此中詩境可微吟僧高座有林泉氣
地僻客無城府心鳥自呼名風裊裊花能解語日沉沉
塵緣不到清何許四壁松濤一曲琴

遊久米村迎封大夫梁煥招飲醉賦

剪槿籬空舊路迷礪牆盡處竹梢低何人掃逕通誠款

有樹臨軒入品題細撥銀箏邀落日高燒蘭燭舞晴霓
歡來恨不勝杯杓馬上馱歸醉似泥

招球人能詩者飲

枯坐如禪入定難不須重問大還丹客惟知酒成佳士
人但能詩勝好官折柬幸無迂道里飭奴先爲整杯盤
新秋氣爽風兼雨如此山川合醉看

寄生螺

寄生寄居螺殼中宵則負殼以行首如蜘蛛四
鬚兩螯八跪實如蟹螯一大一小跪則四大四
小小跪常隱以大跪行觸之卽縮入以一大螯

拒戶太平廣記云寄居之蟲如螺而有脚形似
蜘蛛本無殼入空殼中載以行觸之縮定如螺
閉戶卽此物也然如所記似先有蟲而後入殼
今使院頗多此類置之磁器中求出不得用力
太過則全身離殼頃刻死又似緊生於殼者余
偶取大螺殼貯海水養之夜出早歸若以爲安
宅厯久不去物類相感其理如此大造生物不
測此特其小焉者耳

寄生空負累雖智復何爲有警藏身疾防危出殼遲宵
行人已覺晝伏鼠先知橐籥乾坤大機心那免痴

沙蟹

蟹生沙中濶而不團兩螯異於常蟹足極小甲
左右稍缺螯縮補之天然無縫養以沙水輒不
死見人則縮螯鼓氣噴水若悸若怒豈呂元蟹
圖記所謂沙狗蜂江類耶然亦未敢臆斷以其
生於沙名曰沙蟹云

公子胡爲者無腸也自橫縮螯縫片甲射水凸雙睛莫
辨尖團勢幾忘飲食情含黃何處著姑負此卿名

海膽

海膽其形渾沌通體生刺如蝟無頭尾面目蠕

蠕能運旁有小穴血而方或其口也球人以形
似名曰海膽剝皮取肉搗成泥盛以小瓶供饌
色如伏後卵黃味如蝦蟇亦異產也若易名曰
海蜆尤爲得實

刺縮真如蜎醢如生卵黃錯疑萍有實渾訝膽新嘗入
釜初鎔蠟登盤恰配薑最憐形混沌鑿竅定何方

龍頭蝦

蝦頭絕似龍與常蝦異徐澄齋傳信錄云一名
鯢長二三尺按爾雅鯢係大蝦無龍頭之說存
疑可也

嶄然頭角異蝦亦冒龍形失水猶堪憫淩雲恐未經朱
衣徒有表滄海太無靈不逐雨師去空憐眼似鈴

海蛇

蛇長三尺許僵直如朽索皮厚無肉狀猙獰球
人每起居日輒供一束云性熱去風殺蟲療瘡
治癘殆亦永州異蛇類然終憎其狀不敢食

朽索懸三尺詢知是海蛇似鰻烹少肉非鰻味如痴佐
酒能無悻祛風莫漫誇昌黎初入粵未敢食蝦蟆

毛魚

毛魚以細小得名外視似腐而味耐咀嚼常以

七八月朔前後五日排陣出海風味不減糟鱠
閩人皆重之琉球海族此爲逸品

一寸么麼質何堪枉七刀未鹽先欲腐不膾已如毛鮮
氣饒香粥腥風醉濁醪小翼頻餽食流鬼笑貪饕

石距

石距似墨魚而大腹圓如蜘蛛雙鬚八手無脚
無鱗甲手有刺攢生兩肩球人以之供饌味如
鮑魚而薄傳信錄作石鰓按字書無鰓字異魚
圖贊章舉石距同狀異而注云烏鰓之別種見
日華子今山東登萊有之名八帶魚

鼓腹蜘蛛似排肩八手齊問名圖有贊入饌品難題臭
或殊於鮑烹仍佐以雞海蟲如爾少鱗介亦相擠

家蔬魚

家蔬非魚名也乃削黑鰻脊肉乾而爲之長五
六寸形如梭質如枯木出久高島者尤良食法
先以溫水浸洗裹蕉葉煨之切片儼如鮑花或
連切五六片始斷又如蘭花宜清醬舊名佳蔬
求其義不得詢之球人云此品美且多貧家亦
常食之意殆謂如家常蔬菜人人得食球人字
皆對音易以今名庶爲得其實云

有物賤於蔬貧家亦積儲梭形驚嬾婦木質笑枯魚蕉
葉層層裹蘭花片片舒果然風味好名下信無虛

石柏

石柏一名海松生海中大者二三尺根蟠海底
石上久之與石爲一枝葉纖細絕類側柏鮮皴
如火有腥氣其根本色輪囷屈曲如老樹根榦
有節如蓼而密生馬齒山下者紅色不卽退惟
馬齒漁人能泅水深沒取之國人亦曰磯松似
言松本木質附生石上如義甲義髻之義字頗
雅切

石柏紅於染森然品格殊金莖排竹節鐵網出珊瑚質
脆雖難恃心堅不易枯更煩求海底可有棟梁無

石芝

芝生沿海石罅中石筍厓下尤多有根有葉大
者如盆小者如盎其他如菌如菊如荷葉者不
可勝數靈壁羊肚俱不足道殆鹽水久漬而成
然腥甚不可近而脆折尤難致遠亦惟馬齒漁
人能取之傳信錄所載如此詢之球人統名曰
砂善與寺偶見之遂有是作

靈芝原異狀海產更微竒根葉生何託神仙採定疑雖

腥難見棄縱折那能辭絕勝商山菌凡民自不知

中山雜詩二十首

海邦淹使節問俗最關心人衆土無曠水多山不深有
田惟種薯是樹少鳴禽怪煞蛟龍窟淳風直到今

見說天孫氏爰開海國圖有神皆帝子分類異槃瓠篡
奪幾經世兼并方剖符語言通得未聲教日霑濡

國有衣冠古王今雨露偏兵刑何必脩禮樂未全捐濟
濟官猶百迢迢路幾千可憐共順意膜拜學參禪

賓至不迎送率真存古風酒有隨意設談笑許心同草
履寬於屐肩輿小似籠庶民尤樸陋赤足首飛蓬

一簪男女別

男女以簪長短爲別

都不著帷裳貴賤同衣履供輸

少稻梁漁舟環絕島商販仗危檣莫問生涯事生涯在

水鄉

市集皆夷女蓬頭戴貨行

集無男子女人頭戴貨入市交易

曳襟勞兩

手

女衣襟無帶以手曳襟而行

穩步注雙睛物以多爲貴人因賤不

爭問男何所事非釣卽躬耕

有布少絲羅球人盡解歌中山官族簪人米秀才多六

六圍羣島重重撼大波居然稱富庶日本近如何

也染繁華習偏忘相鼠譏舞僮多采袖土妓有朱衣但

解當筵避無勞舉袂揮太平歌自好咫尺凜天威

奧山及波上遊覽最清奇石罅潮聲透松陰海氣移球
官垂帶立夷女戴篋馳鬚鬢霜如此來觀亦太癡

古刹如亭小禪堂卽客堂僧衣能斷俗

珠僧袈裟外別有一衣如背心

狀名曰斷俗

席地可無床供佛惟花蕊烹茶半雪饌此邦殊

暇食何以慰愁腸

幸有奇花木能將遠客招佛桑然似火鐵樹挺於蕉野
徑多叢竹人家隔小橋晝長無個事步履溷漁樵

小艇蕩秋風心清與水同星光沉處少山色倒來空鷺
起晴沙上魚飛雪浪中此時天趣溢樹杪月朦朧

空憶山南北無人肯伴遊村憐絲滿好湖愛許田幽荒

草埋城堞悲風出戍樓不堪憑弔處明月照青邱

海氣入樓腥停雲肯暫停簷高惟聚雀草茂只多螢書
帙因風亂詩腸對酒醒那堪愁夜永雷雨撼窓櫺

僻甚東禪寺花尋隴地栽背山松偃仰對澗竹低徊僧
少貪喫氣人無爾我猜浮生閒半日萬慮一齊灰

已作天涯客能無世外情逢僧先說法選勝卽題名乘
馬馴番性陪臣識履聲和光仍混俗忠信倚於衡

朔望還須盼燒香趁早暉球人知孔廟舟子重天妃散
步隨黃帽尋芳入翠微夜遊先減從騎馬月中歸

多僕翻成果無書更嬾窺得閒惟賭酒對客且圍碁笛

向風前吹花從雨後移終朝尋樂事入新詩

往事何須說球陽客未歸暑殘蠅漸少秋淺蟹初肥思

父申元近

中元日爲
先君忌辰

懷人久照微西川雲霧裏雖奮不

能飛

聞道謝封使冬舟歸路同翻憐東海客猶趁朔方鴻愁
態消眉宇歡容看僕僮更從天后禱先借一帆風

停雲樓卽事八首

仲夏始登樓蹉跎忽已秋虛窓容海色高枕落潮頭螢
火風仍聚蚊雷曙不收東洋殊節候五月畢田疇

便院何曾小卅年方一開始知文教廣端爲冊封來環

堵皆傳柝幽蘭不點埃閉門還却掃時把舊詩裁

蔬菜應常給甘泉也自奇起居風五日

每五日世孫遣法司等官來起

居如風

經歷歲三時斗榼爛羊胃壺漿酸米肌

米肌似酪稍酸

信也 球人以藿腸親海錯苦道不相宜

雨過清光好前山後茂林居人多草榻古寺足松陰

虎聲如雀毛魚小似蟬大都聞見異茶品貴於金

日下鳳皇飛雙棲錦繡幃鴈鴻猶見少毛羽信知希世

態一空畫人心多巧機更憐無竹實阿閣幾時歸

滿壁花團簇春光爛熳時狂飈吹不落明月照何遲筆

墨疑三絕鷁鷁借一枝孤雲停暫得清夢有遐思

平鋪幾片席斗室配焦僥飛燕不巢屋鳴雞偏應潮礪

墻圍福滿木甘露綴芭蕉近海人多疫先愁覓藥苗

棗案巧蟠龍天書貯碧筒雙星查貫月萬國譯傳風

覆載無私照丹青有化工翰軒勞采訪新詔怕雷同

七月二十有五日常封禮成贈中山王二十韻

地有蠻荒服天無覆載私外臣承爵位內府沛綸

絲盛暑浮航後初涼卜吉時禮章徵舊典樂部按新規

時樂皆設而不作遮道兒童拜排衙士庶嬉春秋王子富黼黻

賜衣宜高結龍亭綵斜飛鳳字旗入門山轉峻遶郭水

尤奇幣帛充庭棟弓旌拂殿楣百官瞻紫極九列叩丹

塤靄靄祥烟裊瞳瞳瑞日遲
詔開麟閣動書到蜚
樓移奔走麾羣吏匡扶仗法司居然稱去
冠冕卓爾見
威儀抱質真如玉傾心恰似葵人歡東壁鑒星拱北辰
知雨溢泉爲醴雲蒸草是芝方言供筆塹異語助談資
使者非風后藩封類月氏相期防隕越作頌愧文辭

和寄塵竹枝詞十首

并序

寄塵上人旣作琉球竹枝詞強邀予和竊惟元
唱於此邦風俗摹寫畧盡且此次公令不晏會
不作樂事未經見尤難爲辭而上人強之不已
因訪之士人參以目及就元唱所遺者補之以

備采風作如是觀可也再有和者予不敢請

館前雙幟矗天黃鳳作雕楹粉作妝父老兒童爭入看

果然人地稱封王

家家石盎置簷廊

家置一盎以備浣漱

青吉姑羅揮滿牆

吉姑羅一名霸

王鞭墻頭盡植之

浣漱客來先脫履隔離紅燭燒扶桑

冷遊花布帳爲房泰榼雙擔水火箱

野遊多以泰榼盛酒肴配以水火鑪

箱擔之前行

漫道米肌酸似酒佳人親嚼味如漿

米肌經婦人口嚼而

成球人以爲上品

編竹爲籬密復疎整齊端似殺青書美人窺客探頭出

自道玉顏花不如

野田茅舍是儂居，
畚薯盈筐戴入墟。
手點墨梅花映肉，
婦人以墨點手背為飾，如梅花衣無帶。
鉏赤足戴筐入市，嘗以手曳襟而行。
見人含笑曳襟餘

雙乳垂垂學抱瓜，
庭中獨立望天涯。
竿頭笑指南風到

脫却襟裙嬾去遮，
家有渡海者，率造小木船置庭中。

山頭剪樹與門當，
掃地樓神石滿堂。
俗以石為神，賽神以糖。暗祝

遠人歸信早，
一杯白酒薦冰糖。

舞袖褊褊逐燕斜，
小兒偏揷鬢邊花。
婦人側不戴花，歌童特戴之。高

盤頭髮光如鑑，
男子年十五始剃頂髮，戴帽綰短簪，未及年者率科頭梳高髻，揷八寸銀簪。

八寸銀簪綰髻鴉。

衣惟寬博不須裳俗俚花簪玳瑁長

土妓呼爲俗俚絳玳瑁簪著朱衣

暗約歡來將夜半先調箏柱置樽旁

絲肉笙簫雜小鑼球陽無客不能歌卽看白髮花冠者

官以紫金花冠爲最貴

也解當筵學嬾娜

附元唱

冠分紅紫雜青黃伏臘從無兩樣妝大袖寬袍半截

襪一雙草屨見藩王

居無大厦半廻廊曲徑門庭短短墻礪石踈籬圍小

圃松蕉鐵樹間扶桑

鐵樹一名鳳尾蕉閩謂之萬松

到門脫履坐廊房席地呼烟具木箱

箱備火爐烟筒之屬敬客

鞠躬雙撫膝方盤代桌進壺漿

俗無桌以方盤
橫兩腳進食

不知迎送禮行陳言語難通藉筆書簪論金銀分職
守相看男女髮如如

笑它男逸賦閒居中婦奔勞集大墟不慣肩挑能負
重一筐頭戴百觔餘

處處山田種地瓜

番薯
別名

窮民飽啗作生涯文身裸體

尋常事也解襠前尺布遮

門巷多安石敢當家無香火奉神堂欸賓福酒兼燒
酒柜救人情總著糖

偏袒紅衣墮髻斜不施脂粉不簪花趺踟蹰足三絃

撥宛轉歌聲似老鴉

印花棉苧布爲裳潤帶纏腰丈六長一切都歸懷抱
裡烟筒紙扇揮襟旁

亦有梨園少用鑼外場說白內場歌採衣長袖當筵
舞縱不風情也嫵娜

題東苑四首東中山王用前使徐檢討

葆光韻

斗室開三面看山不掩扉樹橫枝礙帽石亂角鈎衣海
水因風立林花帶雨飛親人魚鳥意觸處見天機
南山青不斷樹色接長空瀑布拖烟白楓林綴露紅夕
陽半未下曲徑鳥纔通九月天猶熱披襟納好風

樓閣空中置中山第一觀剪榕爲翠蓋編竹作雕欄壁
好何須粉楹堅不用丹渾然完我樸身與室俱安

地接宮庭近天教雨露偏扶桑能捧日福木自攢烟我

舊懷名德王今實象賢粗茶兼淡飯一句勝千篇

茶亭中有

尚益王書粗茶淡飯飽卽休之句

題王叔尚周樂魚精舍

玲瓏礁石近墻欹樹作虬蟠剪剔竒觀水恰宜風細處
看花尤愛月明時人於醉後辭難寡天到秋殘客易悲
嶺上玉梅含蕊未不堪纔合賦將離

中山夜歸

列炬如星十里紅軟輿顛簸似飛蓬翻身上馬偏憐月
醉眼生花却畏風樹影忽橫疑鬼下潮聲初落覺魚窮
睡魔底恨歸來晚扶入西樓卽夢中

題法司向天迪漱石山房

小山曲折護廻廊綠樹垂陰覆石塘三寸金魚爭食聚
一雙玉蝶逐花忙林亭似此人無俗福壽如翁國有光
漱石枕流饒理趣齋名題罷筆生香

題王叔尙容石瘦松清之室

樹疊孤峯上花藏曲逕深池魚食石影籠鳥戀松陰
室中甚多蓄異角
醉我醇於酒斯人靜似琴夜闌星月下握別一

酸心

登末吉山樓

萬株松蓋蔭山蹊一箇茅庵伏嶺西行盡竹籬來石筍
撥開雲陣上天梯青疇帶水勻勻下綠樹含烟望望低
只有王宮相對出蜀樓如待蜀人題

樓踞獨山舊無名
予因顏之曰蜀樓

并爲
之說

師竹齋集卷十四

蜀綿李鼎元墨莊氏撰

庚申 古今體詩八十四首

琉球草木詩二十四首

麒麟菜

生海灘上形如鹿角一名鹿角菜有黃白二種

海灘不產無名草沐浴靈波襯碧苔道是麒麟君不信

先舒一角請君猜

松露

土名蓄羅菌類也九十月生大松下圓白如菌而滑膩少殊清脆似筍而風味較薄亦菜中清品也生糞中者灰色不可食

不產茯苓產松露此松已覺老無能勸君莫更嫌清薄

風味剛宜粥飯僧

野牡丹

土名并花葉與牡丹無異二三月花開
累累如鈴鐸素瓣紫暈植心大如碗極

芳烈嚼其葉可爲口香
種出太平島海沙中

洛陽舊恨新春日海上何人著眼看要與浪花爭富貴

一叢秀出白沙灘

禪菊

色不一花如中國萬
壽菊葉粗厚如蒿

花本無奇名自好也勞騷客費沉吟送酒無人門寂寂

一聲清磬落霜林

紅葉

生海灘細如亂髮類石
花葉而少扁味清滑

細如亂髮恰蓬鬆髮不能紅葉自紅滑似菰羹香似藻

美人心緒落杯中

海帶菜

藥書名昆布可治癭海藻也取而乾之如黍嫩羊皮又如旣徽筍片出大東洋

者色淺綠蓋製之得法留本色也

康成有草名書帶誤落滄波不記年高閣自今書嬾束
供人口實也堪憐

辣蕎

土名華蓂寄生樹上花白子赤大如指長寸餘形如朝天辣而縐有畧微黃者有小如蠶豆而圓赤者味皆酷類胡椒能治胃寒土人乾之以市色轉黑余從市上買得之即以前胡椒之用有過之無不及也

辣到桂薑無辣處此蕎生性與之齊世間冷氣誰消得

一寸金丹海上攜

俗有海上方之目故云

芭蕉

實名甘露花紅紫大如瓢一穗數尺日開一瓣每瓣花心五六結實如其心數狀類

手指而撻熟時色綠以草棘覆之則黃如新刺爪萼味甘歲實為常異於中土其絲漚之

可織布球人賴以為衣

實如甘露尋常事大葉抽絲被萬人不似美人空有色

蕉之小者名美人蕉一生無用負青春

雷山花

土名吉茄葉如鐵梗海棠花如牽牛差小鴉翠色四五月開至冬結子如豆莢

小朶翠花深色梗石厓隙畔點清幽涼月正明人露立

忽看螢火出枝頭

吉姑羅

一名火鳳葉似慎火草無花餘四稜葉生稜上人家墻頭多種之亦以避火俗

名霸王鞭土人又呼為福祿木

排青一帶吉姑羅引得牆頭草更多昨夜東隣房盡燬
問他辟火竟如何

檜木

即羅漢松性堅不蠹有異水
土使然也人家梁柱多用之

大僅三圍高一仞縱教不蠹有何長高樓自用千尋木
讓爾蝸廬作棟梁

門鏤樹

土名呀喇苦亦號君子樹葉類橘封節
生紋如織縷中邊映日通明作金黃色

與貝多葉無異而差小澀而存其
筋可作書花白似梅實圓可榨油

貝多羅葉原堪寶僧不知名解殺青昨日與山禪榻上
手持一葉索心經

福木

葉如柑特厚有光澤對節生形如腰子可
染綠斷之則漿出膿白如殺樹漿一名常

盤木直上數丈四時不凋花黃而小實如橘稍腥小兒喜食之

樹影亭亭枝短短人家籬落配芭蕉不材偏有長生福

松柏容他說後凋

鐵樹

樹色如鐵無枝幹隱隱有鱗作龜坼文一名海欒欄葉勁挺對出如鳳尾又名鳳尾

蕉內地謂之萬年樹中山無處不有花實類拼欄其根能爲粉可充糧島人以備荒歲

蠶然枯質忘生氣偏有一叢葉蓋頭每遇 冊封年必

稔鐵根無恙老山陬

蝴蝶花

色絳紅鬚黃絕類蝴蝶條葉如嫩槐種自閩來土人寶異之

柔條嫩葉不經秋風妒霜欺也自愁昨夜夢中何栩栩

輕身飛渡大瀛洲

福滿木

高數尺葉似種花如橘子
葉剪色紅小兒尤喜食之

身纔數尺頗么麼有子何須著許多壓折柔枝全不惜

眼前贏得小兒歌

扶桑

樹葉如桑無異可飼蠶花而不樞朝開暮落一名佛桑千葉者有大紅淡紅黃諸色

單葉則惟大紅一種單者意高出辦外寸許如燭承盤狀故亦名照殿紅千葉者辦作重臺蕊藏不見謝時皆卷瓣如燭而後落四時皆花六月尤盛俗以樞爲佛桑葉不類未爲實得

甘同木槿爭朝暮不與祥桑管廢興球地有花開四季

讓他人長占佛前燈

烏木

葉如桂而少窄直上外與常木不異中心質黑間有白理土人用作屏扇頗雅

師竹齋集

卷十四

四

知白怪他能守黑更憐直性不支離莫持此格求人品
世上惟應汲黯知

阿坦呢

葉長邊有刺輪圓似束麻久成林連蔓堅利可當籬葉可造席根可造索開花

者爲男木花白瓣若蓮合尖左右迭疊十餘
朵直上五極蕊露如杖長數寸芳烈如橘花
女木無花而實大如瓜膚紋起釘皆六稜可
食云卽波羅蜜別種聞粵東亦有之各鳳梨

一身不惜爲人用尙恨生前刺眼時爲語多才須擇地
最難堪是寄人籬

地分木

樹高五六丈葉如穀樹小白
花叢生冬日開有毒可藥魚

海魚不與樹爭地何用飛英毒海魚三月楊花知得未

俗傳魚食
楊花則肥聞風應著絕交書

月橘

樹高丈餘葉細如棗開小白花甚芳烈一名十里香實如天竺子稍大子落復花人

家多植以代垣屏

剪離別樹邦人擅十里垣屏綴火珠子落復花花復實
球陽溫暖世間無

悉達慈姑

樹高丈許葉如桃子如葡萄穗累累深藍色名慈姑奶不可食

虛聲純盜是慈姑及得燉煌馬乳無行客正飢多病渴
不知誤煞幾僮奴

名護蘭

葉長四寸許厚而大圓狀似舌大如指三四月花與蘭無異一箭八九朵攢開

香清越勝蘭種出名護嶽巖石間不假水土或寄樹極上或以椶皮裹懸之

治名容易避名難那用花香更勝蘭一落塵間依樹活

空巖風月好誰看

文萱花

一名歡冬花如萱特小葉有素白相間文

中山草木逢人問問道文萱轉自憐老母歲高遊子遠
對君惟有淚潛然

首里四公子招飲書齋各以詩政依韻贈答四首
一從姓字與君通便許圖書貯壁東球雅未成嫌日促
余輯琉球方言名曰球雅金尊頻倒覺清隆鑄顏休信孔聞異御李
尚憐苟意同欲識文章神化妙如蜂釀蜜在交融

節過殘秋也覺涼南山爽氣入書堂囊螢照字心齋淨
病客聽仄潮眉宇黃此日燕酬知菊味他年服媚憶蘭

香要從名教尋真樂肯別元龍上下床

不愧書生是此堂兩餘筆墨潤涵光推敲李杜開心錦

薰沐班楊蕤瓣香不禁秋風吹野水

用工部願吹野水添金杯意徐

看酒暈溢清揚逃禪莫學唐蘇晉醉裏乾坤早坐忘

百卉經霜未肯降強依籬菊隔輝煌中山地占長生位

斗室人稱集益堂問字訂訛初得解賭詩急就已成章

我非富女憐貧女暗裏容偷鑿壁光

中山土物詩五首

刀

中山不產鐵易爲有寶刀爐鍛自日本鐵則來中朝短

者長其柄長者佩之腰最小乃云槍利用錫名標是皆
百鍊鋼鋒鋷可吹毛我行冊禮成於王非外交感贈未
敢匣吼聲騰老蛟拂拭虹遶屋微聞魑魅號雪光逼人
寒霜氣射斗高持以渡重海鯨鯢都遁逃書生未敢握
目眩頭且搖封侯爾何人投筆懷班超

布

華風珍細羅樸俗寶粗布此國不飼蠶姑負佛桑樹紅
蕉代葛漚白紵替綿措巧心印成花百浣光愈著節儉
世所難邦人盡無袴男女一寬博生不見裘絮當其未
采藻霜雪積庭素密縷厚屯雲踈縠薄含霧最下還績

麻蔽體體猶露守禮五百年流鬼失其故信知天愛人
已足禦寒具况我本布衣肯被華袞謁

扇

團扇團如月珍重王宮式染藻圖翟翬剪蕉貼蟬翼疊
扇疊如羽上濶而下窄細骨磋瑯玕膩面灑金錫球陽
地氣暖秋盡不忍擲貴胄藏中懷齊民插兩腋舒或驚
翠屏卷則訝尺璧也復分精粗未肯混朱碧使者揚仁
風解慍破常格對我不敢揮憐爾心敬客

紙

東洋地少竹半以繭爲紙小或四寸餘大惟江尺止礪

法來朝鮮花樣出倭市鎮密玉版如細膩雪膚似土人
知重書滿案白雲委襯墨光閃眸柔筆潤生指澄心莫
爲儔絹素實堪比矜持作楷字腕斷未忍起藩王致珍
重持贈等羅綺月印侵高樓霜華積包匭十萬金已辭
歸裝曷載此愛此潔淨姿寫我心如水

楹

美食須美器巧匠寧擇地簠簋遵豆外雕刻出新意方
櫝勢微長提櫬在其內左虛而右實治具亦稍備木盤
疊兩雙銀瓶置一對瓶以貯美酒盤以盛異味玉杯及
象筯各各匣中位陳或盈方丈收之繫半臂最宜林泉

飲頗有富貴氣我性耽遨遊採風況所事貪結文字緣
選勝聊小憩球官門食品羅列較精製金采煥丹黍銀
絲界藻纘平若磚塊切序如詩牌第樸素渾堅姿繩墨
規矩義賦形能肖無一笑問茶吏

司食具者土人謂之茶吏

童子舞歌

連年四海音遏密優人匿迹室無瑟冊封典例遵常儀
先會藩王停呂律禮成象胥稽首言國有成規未敢前
教演頗煩師氏力回旋應得大人憐呼來亭亭玉荀立
輕訝翩翩綵燕集高髻盤鴉綰銀簪長袖垂霓綸錦翼
盈盈十五世家兒跪拜參差亦解頤小鳥依人風朗朗

羣花繞砌月遲遲舞者不歌歌在帳大帶有無男女樣
採蘭折柳寄深情擊鉢攜籃饒媚狀四者皆舞名我咨象胥
耳其詳眼雖無福心已嘗銀箏有調鐔有節百年禮樂
被遐荒

蹋板戲歌

片板高橫三尺梁兩端力均虛且長二女結束初對望
直躍而上稍儼佯一頭忽低一頭昂昂者激起數丈強
翩如孤鳥空中翔失勢隄落天爲忙前之低者倏鷹颺
尺寸不許易其方仙姝月姊相扶將雲生兩袖霞飛裳
或時整暇燕頤頤睂眼歷亂蜂猖狂徐徐怒勢風平洋

振衣從容善刀藏公孫劍器無輝光綢杠繩戲皆尋常
中山絕技茲擅場歌以傳之譜官商

琉球寶刀歌

我之初生夢徵虎少年長劍逐風舞一從折節隨仲由
毛錐誤我今白頭腕弱筋疲髀肉活伏雞無力不能割
冊命忽許持旌旄禮成王贈琉球刀拔鞘長虹貫秋月
逼人霜氣噤毛髮封侯無骨那須此消磨壯志亦徒爾
便愁過海蛟龍疑嗟余老矣非飲非

和楊文鳳重陽

登高原擬豁雙眸夜雨連天去路悠我已蠅癡飛不動

君雖雀躍孰爲憐空懷重島青松嶺虛負波山白鷺洲
事隔三句詩始到追逋縱急摠難酬

留別中山王

周旋五月情方密執掌經年別有時海上山川容我醉
球陽風俗爲公移斗回東北驚殘裏苑入西南記小詩
後會何期期不得先愁鴻鴈報書遲

留別中山士大夫

衣冠殊制語難通一種情癡與我同對酒縱譚賢聖趣
論詩遠溯晉唐風筍崖松嶺追雲鶴馬迹舟痕印雪鴻
莫更繫維收汝淚夕陽霸港話匆匆

留別使館

樓居旣久步忘梯日逐黃昏上桀雞燕欲別巢還對語
馬將歸代自長嘶荔支舍我知誰護粉壁留詩任客撕
檻外菊花牆外樹惱人情緒不須題

却金亭口號二首

龍旌低拂嶺梅春士女爭觀沸海濱節過但聞人嘖嘖
亭中又見却金人

由來歸節趁春陽十月開帆筭破荒君謝東風休謝我
初心不爲省行糧

那霸登舟四首

東風扶桑來飄我手中節念茲春欲回歸計一宵央夢
隨陽鳥飛心向臘梅折豈獨畏簡書 聖慮此時切

王人况有母盼兒感雨雪維繫非不殷似聞海潮咽嗟
余小忠信汝淚爲誰設望洋立踟躕握手不能別

不別將奈何從者亦相勸此輩徒鋪啜遠大非所獻歸

程有風信媽祖肯操券

舟人稱天后曰媽祖

同行五百人豈易具

一飯海族雖廣生多殺神亦怨

聖恩重桑遠

天威凜方寸體恤敢言德聊以酬素願脉脉波上雲送

我猶繾綣

繾綣亦何爲我舟已起定

海舟以鐵力木爲船名曰定

風微不肯大

似爲衆情佞余敢拂衆情此意神必聽回望舊遊山歷
歷呼欲應浮梁竟須撤可以絕奔競况持一月糧小滯
未爲病送者猶徘徊行者謬恭敬默默秉至誠臣心海
可鏡

海鏡知苦心封姨忽馳馭急浪推船行旗角盡西翥鴉
班氣飛揚駭長聲急遶私心疑且驚當食忽失筯豈惟
蟣虱臣乃蒙風雲助萬人破涕笑歡呼各歸去信哉鬼
神盛大矣天地恕中流一回頭那霸不知處

賀中山王初舉世子時十月十有八日

玉麟昨夜下天閭瑞氣充閭降百祥一索果聞生長子

初封又見小藩王亦知公問名猶早欲試啼聲客未遑
剩有新詩馳賀去先防喜極誤書牋

馬齒島歌

昨來瞥眼過馬齒青螺翠髻幾堆耳今來舟泊山之陽
參錯滄波十里長山不加高水不落行人眼界今非昨
西風阻我如有情散步且尋麋鹿聲沙際浴鷗見客狎
離邊吠犬窺人驚登高回頭望辨岳蒼松翠柏在吾目
似聞笑語風中來尚見漁舟雨外宿側身西望何茫茫
雪濤瀕瀕天蒼蒼敢信六鰲能駕海還期五日不停洋
山中無米但多鹿一半獻王半自鬻充腹惟馮鐵樹根

禦寒只用蕉絲縠土人玩水性能涸赤手蛟鯨窟裏游
三尺海松割石髓一寸珍珠掬颿喉三十六島此門戶
絕類竿塘石虎玉願從天后借長風八旬老母思兒若

後航海詩六首

東海海無量封舟舟有名誰云萬斛重飄若一葉輕水
雲混高卑陰陽妙逢迎知來乃知往能頗故能平上倏
升九天下忽沉八瀛雪山駕靈鰲風騎追奔鯨此際須
穩枕但行休計更何以辨四方羅針注雙睛

昔曾登太行今來渡滄海山川多險機萬古莫能改去
帆風雖飽歸路心自窄漫言無邊苦終有彼岸在百怪

况早避中情幸無餒何必靈雀來已見神魚待檀車不
折軸所到勿余給紙鳶若斷線望空亦徒悔

微螳寄大磨磨轉螳不知孤鵬託長風風疾鵬不疑快
哉海舶行百里時未移強步或顛仆相與爲委蛇鴉班
門輕捷鼯鼠爭飛馳緣索若緣木踏檣如踏枝乃信心
不動履險皆成夷笑彼怯膽人甘受外物欺

淵淵含垢姿浩浩忘清濁大哉天地內流動有茲局萬
象浮巨泡衆形寄一粟潛怪生龍蛇飛鳥絕鴻鵠此時
無智愚皈命淨塵俗况有媽祖神舉念輒先覺忠信心
苟持祐祐情亦篤但期斷虹避不願紅燈燭

航海無晝夜飄忽隨東風九達旣齊張萬里將安窮入
倉似縫井卧榻如懸籠誰能談水因出語羞雷同黑溝
震虛名赤洋競鑿空自非坐戰臺何以窺鴻濛雲日一
氣青星辰千疊紅天水曷有極茫茫行霧中

歸舟空復空島失去時路重懸望山賞遙辨浙東樹不
謂吞舟魚忽爾磨牙顧舉節一以麾百靈趨來護神風
柁底催千里夜飛渡豈不慮沉溺早已忘恐怖付之不
見聞鮑然就童孺夢中聞笑聲舟向竿塘住

指麾王都司得祿擊賊

同舟共命復何云要在同心志莫分孫叔無謀非令尹

子龍有膽是將軍生如可幸惟轟礮死但留名不樹墳
以少勝多今日事場丈夫子築奇勲

水口別介山三首

北風蕩輕舟落木含淒清積茲萬古恨相訴三日程半
載住球陽六日經滄瀛歸途豈不速歲序忽以更敢曰
憂患交喜無虞詐情平生重義氣四海皆弟兄緬維張
范賢羞彼餘耳名好勵金石姿母忘雞黍盟

亭亭江日紅莽莽嶺雲白悵悵孤鴈心子子麻衣客此
地一分袂相逢定何夕難別悔交親欲言恨淚隔俯觀
波際鱗仰睇樹間翮彼物猶同游伊人獨異適願爲舟

上帆送君故園宅此願翻不借一水長峴峴

峴峴夫何言哽咽還握手憐君萬里歸步步哭慈母太湖在江干有弟待君久毀性古所譏無翼能飛否哀當制以義孝當節以守行矣保一身臨去屢回首

山行四首

昨者經重洋濤湧雪山大及茲登層峯又似海濤簸世路無坦夷人心有坎坷付之以夢幻到處可安坐風扶龍節飛雲擁馬蹄過豈不困顛頓因困乃得卧遊魂招蜃樓陳迹蹋牛磨忽驚霜送寒落葉打窻破

我行春徂冬鷓鴣聲已歇木落山更多霜清石逾滑東

雀鳴啾啾冷泉響汨汨時有採樵人腰斧度林樾騎馬
貪看山非不畏顛蹶興夫半貧兒飢寒力已竭

窄路一蛇盤行客孤鳥上閒雲管迎送踈嶺爭背向神
泉滿天池僧俗不知障翠竹彌崇岡人俗動遭創物生
不擇地縱好亦皮相君看西湖邊泉竹雨清曠

上山如游仙轉眼旋墮落豈知谷口泥有時上仙閣是
事無定情萬彙各有託路人嘆雨雪農人正歡樂十圍
松柏心肯與棟梁約人患無良馬我患無伯樂

哭寄塵

匹馬忽飛至手持將軍簡開函痛失聲當代死無本人

生皆好奇奇到寄塵鮮爲僧不誦經終日手一管喜作
方丈字力攻獻之短能吟五七言頗怪禪語淺潑墨以
指頭百紙一時藏付囑多慧人別具傳法眼是皆世所
奇而奇不自滿五岳已遍登大海尚思盥適余使中山
自薦色無赧但覺道德高敢責性情嬾中流呪颺風欲
拜恨知晚忠信蠻貊行木訥鬼神袒凡我摩厓書筆筆
出師腕茲人若長生我輩筆宜卷小疾謂無傷蟬蛻非
所算到死尤出奇福地先自揀塔有開府造銘屬將軍
撰因緣豈偶然魂兮笑應荒

自江山放舟至錢塘八首

山溪輟細石般雷出舟底廿日閩路塵中流快一洗陰
厓水暗觸分勢狀角牴盤渦落層潭馳騎歸旅邸未明
主客分項刻門又啟我行初安枕感此還拊髀

輕舟方下灘橫梁阻其隘委曲恃篙行避險如避債釣
灘有成法舟子不知戒人力苟未盡豈得怨天敗順流
莫輕心順風莫稱快江岸有破船昨日帆尚挂

水積日以深舟行日以穩漸聞海潮近始覺江派遠波
浸山影澄流觸婺源婉昨來桃始華及歸草盡偃雅尙
緬巖洞幾人好棲遯漫言春徂冬黃梁熟初飯

巖巖江上墉宛宛沙際阜青青嶺頭松濯濯路旁柳寄

形風日間縱好那能久怪哉子陵臺千載長不朽生前
一竿蓑死後幾杯酒頽然保我璞卞和焉得剖

我愛蘆茨溪欲往少同調中有高卧人林間獨長嘯借
余一茅庵自坐小舟釣白髮垂兩肩朱顏亦何少問之
了不應但指青山笑笑答猶未終明月滿溪照

榜人各罷楫輕舟隨白鷗愛此殼水清曠然消千愁薄
雲生素屏飛鳥鏡寒流潭底見我影乃狎羣魚游白石
何粼粼兩手如可抔抔之不盈掬轉令心煩憂

峽束一江急岸與舟俯仰恰似常山蛇對走平原上孤
烟徐出林危石欲撲顙時有賣酒船向余蕩雙槳丁丁

何處樵雲外落清響蜀客意何如已作夔巫想

雲樓好林壑舊歷常未忘十里路豈遙獨游莫爲唱回
輿指城闌過眼惜巒嶂潮聲掀地來小立更東向顧茲
千尺瀾誰能隻手障高誦七發篇望古一惆悵

由杭州沿隄至海寧

破曉出城闌長隄接海濱嫩沙澄曙日疎木逗新春鹽
甌田田鹵柴塘處處薪安瀾知有慶何以報潮神
石砌魚鱗密椿排鴈序齊射潮何用弩防海只須隄路
擁青楊直天連黑水低舊遊今再過陳迹有鴻泥

題安瀾園

陳家別墅好林亭
山引池塘石暗侵
最愛梅枝新亞雪
重尋竹徑舊題名
羣魚狎客優游近
一鳥窺簾自在鳴
正是黃昏風景好
半窓星月晚潮聲

蘇公祠招湖上舊游飲

偶向西湖住此身
入門先得故鄉人
雲將散處山逾好
雨欲來時竹有神
未敢題詩驚顚在
尚能醉客愧瑜醇
衰痕憶別無多日
舊折楊枝又報春

吉祥寺餞席留別湖上諸友

諸君愛我勝西湖
我愛西湖不得居
對酒那能辭舊雨
催人無奈是輶車
寒江帶月攀隄柳
野寺和烟剪夜蔬

幾度欲行行又止依依翻似別家初

京口阻風

北固雄蹲鴨金山秀立鵲千艇如浮鷗拍拍浴山足此
景正復佳勞人不暇囑風神似憐儂借以洗塵俗雲爲
我徘徊波與愁斷續滔滔萬派中有水來自蜀

象山遲同人獨坐望焦山作

莫怨西風惡焦山屬此行雲陰連海濁樹色隔江清勝
具猶餘勇孤遊定少情同人期不至坐待午潮生

答人問琉球土俗

球陽風土畫無難除却三山盡海瀾四季有花霜不隕

羣生無米薯常乾球民盡食薯常乾之以備荒歲國貧蕉布稱華服俗
儉銀簪別長官二百年來文教廣篋中詩卷有奇觀

舟中詳訂球雅因題

中山五閱月採風亦云肆以見證所聞傳信錄已備就
中參寄語十未詳一二守禮恭順邦豈得闕文字因茲
訪通人日與究音義毛穎代吾舌楮墨亦來伺唇齒分
微茫毫釐辨同異音維對則呼義須別乃類倉頡腕下
忙揚雄槩底忌草創初脫稿精嚴起凡例敢云憚修飾
舟中幸無事複者漸合并缺者仍補綴碎金歸陶鎔零
錦受裁製貫穿九曲珠醞釀十洲記人物可列眉天地

不終醉鵠舌遂能通象胥竟須棄爾雅詞不繁方言師
其意小邦文獻徵用廣琉球志

懷周三明府

白雲無定心清風有成約念我同志人出言似龜灼低
頭慚赤鯉仰面謝元鶴鶴飛不能高終向浪頭落狂飈
吹大江弱羽正難託爭食鷗鵲間兒童計相縛翩然呼
舊羣十呼不一諾東望江水深填河盼烏鵲

舟行三絕句

早舟穿霧行海日紅欲吐急纜驚鷺鷥飛濺一窻雨
午舟入村市小憩江橋側一隊黃鵝兒偷眼何人食

蘇舟入江月陣陣興鴉住時有白鷺爲飛過湖心樹